

Til ungdomsskulane i Hordaland

 Dato: 09.09.2016
 Vår ref.: 2015/8963-2
 Saksbehandlar: akysam
 Dykkar ref.:

Informasjon om melding til Hordaland fylkeskommune som gjeld 1. februar-søkjjarar

Vi viser til forskrift til opplæringslova kap. 6 *Inntak til vidaregåande opplæring*. Informasjonen i dette brevet handlar om § 6- 15, § 6- 17 og § 6-18 i forskrifta.

• § 6-15 Fortrinnsrett til eit særskilt utdanningsprogram

Kommunen må melde søkjaren til Opplæringsavdelinga i fylkeskommunen som skal vurdere om eleven har rett til inntak etter denne paragrafen. Sakkunnig instans er PP-tenesta i fylkeskommunen. Elevar som søker om fortrinnsrett etter § 6-15 må ha:

- rett til spesialundervisning etter § 5-1 i opplæringslova. Behovet for spesialundervisning må vere omfattande på grunn av vanskanane som ligg til grunn for søknaden.
- eit særleg behov for inntak til eit bestemt utdanningsprogram. Dette behovet må vere svært viktig for moglegheit for å fullføre vidaregåande opplæring med full yrkes- eller studiekompetanse.

Motivasjon eller diagnosar aleine utløyser ikkje denne retten.

Kva skal kommunen sende til fylkeskommunen:

Kommunen v/ rektor skal sende utfylt skjema *Meldeskjema ved søknad om fortrinnsrett* med vedlegg (sjå <http://www.hordaland.no/nr-NO/utdanning/vgs/skjemasamling/>)

På bakgrunn av dette vil Opplæringsavdelinga:

- Vurdere om søkjaren oppfyller dei to vilkåra i § 6-15
- Dersom søkjaren oppfyller vilkåra, vil Opplæringsavdelinga melde søkjaren vidare til fylkeskommunal pp-teneste (OT/PPT) for ei sakkunnig vurdering etter § 6-16.
- Dersom søkjaren *ikkje* oppfyller vilkåra, blir saka sendt tilbake til kommunen med skriftleg grunngjeving. Saka blir då ikkje meldt vidare til OT/PPT.

Frist for melding: For skuleåret 2017/2018 er fristen **1. oktober 2016**.

• § 6-17 Fortrinnsrett for søkjarar med sterkt nedsett funksjonsevne

Kommunen må melde frå til Opplæringsavdelinga i fylkeskommunen om søkjarar som går nå på 10. trinn med sterkt nedsett psykisk eller fysisk funksjonsevne. Elevar som søker med fortrinnsrett etter § 6-17 må ha:

- Vedtak om spesialundervisning
- Sterkt nedsett funksjonsevne

c. Eit særleg behov for å bli tatt inn på ein skule som er særskilt tilrettelagt, grunna den nedsette funksjonsevna

Kva skal kommunen sende til fylkeskommunen:

Kommunen v/ rektor skal sende utfylt skjema *Meldeskjema ved søknad om fortrinnsrett* med vedlegg (sjå <http://www.hordaland.no/nn-NO/utdanning/vgs/skjemasamling/>)

Frist for melding: For skuleåret 2017/2018 er fristen **1. oktober 2016**.

• **§ 6-18 Fortrinnsrett for søkjarar med rett til opplæring i eller på teiknspråk**

Kommunen må melde søkjaren til Opplæringsavdelinga i fylkeskommunen som skal vurdere om eleven har rett til inntak etter denne paragrafen. Sakkunnig instans er PP-tenesta i fylkeskommunen. Elevar som søker om fortrinnsrett etter § 6-18 må ha:

- a. rett til opplæring i eller på teiknspråk etter opplæringslova § 2-6 frå grunnskolen, og/eller behov for opplæring i eller på teiknspråk etter § 3-9 i opplæringslova
- b. behov for å gå på ein skule som er særleg tilrettelagt for hørselshemma (knutepunktskule) eller på ein ordinær skule med teiknspråktolk

Kva skal kommunen sende til fylkeskommunen:

Kommunen v/ rektor skal sende utfylt skjema *Meldeskjema ved søknad om fortrinnsrett* med vedlegg (sjå <http://www.hordaland.no/nn-NO/utdanning/vgs/skjemasamling/>)

På bakgrunn av dette vil Opplæringsavdelinga:

1. Vurdere om søkjaren oppfyller dei to vilkåra i § 6-18
2. Dersom søkjaren oppfyller vilkåra, vil Opplæringsavdelinga melde søkjaren vidare til fylkeskommunal pp-teneste (OT/PPT) for ei sakkunnig vurdering etter § 6-41.
3. Dersom søkjaren *ikkje* oppfyller vilkåra, blir saka sendt tilbake til kommunen med skriftleg grunngjeving. Saka blir då ikkje meldt vidare til OT/PPT.

Frist for melding: For skuleåret 2017/2018 er fristen **1. oktober 2016**.

Dokumenta skal sendast til:

Hordaland fylkeskommune
Seksjon skule
Pb. 7900
5020 Bergen

For spørsmål ta kontakt med: Opplæringsavdelinga, seksjon skule, 55239230

Linda Farestveit
seksjonsleiar

Akylina Samara
spesialrådgjevar

Brevet er godkjent elektronisk og har derfor inga underskrift.